

laisser prendre, cela auoit Irrité les Irroquois Guerriers qui n'estant pas contans des prisonniers quilz auoient emmenez demanderent que Ie fus representé avec les autres come Estant aussy Captif; nos Chretiens Craignans que les Guerriers qui aiment le Carnage et faire gloire de tuer des hōmes ne me coupassent quelq⁹. doigt ou me fissent quelque autre outrage pour ma cheminer a la mort me cachèrent plus soigneusement que Iamais. Ils me faisoient coucher, tantot dans une Cabane tantot dans une autre et quelque fois mesme dans les Champs afin que les guerriers Et les yurognes ne me pussent pas trouuer, ma protectrice pas dessus tous les autres Ioignoit la prudence a son Zele pour me tirer du danger ou I estois elle alloit au dessein au deuant de ses parens qui estoient des plus considerables guerriers afin de les preuenir. Elle leur raconta cōme Elle mauoit conserué Jusq⁹. au tems la quelle Estoit resoluë de continuer a le faire de toutes ses forces quon ne me pourroit faire aucun mauuais traitement quelle ne le sentit vivement elle mesme, quelle ne me representeroit que lorsque les anciens sassembleroient pour determiner du sort de tous les Captifs Et quon ne mauoit pas mis encore en liberté, Ils luy repondirent quelle auoit bien fait et quelle continuat a la bonne heure dans cette resolution

Enfin le Jour arriué que notre sentence deuoit estre portée nous Estions quatre qui courrions risque destre brulez, nous Comparumes tous pour estre donnez ou mis a la place des Irroquois qui auoient Esté tuez par les francois Et en suite estre Jugez en dernier ressort, Ieus le tems pendant quon Examinoit notre procez de faire confesser & donner